



Jens NapātōK, Inatsisartunut ilaasortaq, Naleraq
Inatsisartut@inatsisartut.gl

**Nunatsinni timmisartuussineq pillugu § 37 naapertorlugu apeqquteqaammut
2026-126-mut akissut**

Dato: 10-08-2026
Sagsnr.: 2026 - 13421
AKT. ID.: 26670894

Asasara Jens NapātōK

Inatsisartut suleriaasianni § 37 naapertorlugu Nunatsinni timmisartuussineq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1. DHC-8 timmisartut marluk Maritime Domain Awareness (MDA)-mut
allanngortinneqarlutik atorineqalerpata, DHC-8 timmisartut qassit nunap iluani
nalinginnaasumik ilaasunik nassiussanillu angallassinermut
atorneqarsinnaanissaat Naalakkersuisut paasissutissiissutigisinnaavaat?**

Akissut: Naalakkersuisut apeqqutip akineqarnissaanut Air Greenland A/S
paasissutissanik pissarsiniarfigaat.

Air Greenland ilisimatitsivoq, Ilulissani mittarfiup nutaap ammarnerani, aammalu Ilulissat Københavnillu akornanni toqqaannartumik timmisartuussisalnissap naatsorsuutigineqartup aallartinnerani, timmisartut DHC-8-t marluk Maritime Domain Awareness-programmimut atugassatut allanngortinneqassappata, nunami namminerimi angallaviit atorumaneqarnerannut timmisartut DHC-8-t arfinillit atorineqalernissaat ingerlatseqatigiiffiup naatsorsuutigigaa.

Erseqqissaatigineqassaaq, Air Greenlandip nunatsinni angallavinnik piareersaasarnernani, tassungalu ilanngullugu timmisartunik atugassiisarnernani, angallavinnut pilersarusiortarnernani, pisinnaasanut akulikissutsinullu tunngasunik suliaqartarnernani niuernerimut sullissinermullu tunngasut tunngaviusumik ingerlatseqatigiiffiup susassa qarfigimmagit. Tassalu Naalakkersuisut Air Greenlandip timmisartuisa ulluinnarni atorineqarnerinut aalajangersaaneq ajorput.

Kisiannili Naalakkersuisut timmisartut suluusallit Qaanaamut timmisartuussisarnerninut Air Greenlandimiit kiffartuunneqarnissamut isumaqatigiissuteqarput. Angallannermi sullissinermut tassunga atatillugu Air Greenland pisussaavoq, isumaqatigiissummi sinaakkusiussat iluanni kiffartuussinissamut isumaqatigiissut naammassissallugu.

Kiisalu erseqqissaatigineqassaaq, Air Greenland 2025-mut ukiumoortumik nalunaarusiamini ingerlatseqatigiiffiup attaveqaasersuutini inuiaqatigiinnut pisarialinni pilersuinerimi aammalu niuerfimi unammillerfiusumi niuernerimik tunngaveqarluni ingerlatsinermi suliani allaaserimmagit. Tamatuma peqatigisaanik ingerlatseqatigiiffiup

Kalaallit Nunaanni, Kalaallit Nunaannut aamma Kalaallit Nunaanniit timmisartuussinernik isumagisaqartoq, angallavinnilu ataqatigiinni ilaasunik, nassiussanik allakkanillu assartuussinerit naammassineqartussaasut Air Greenlandip allaaseraa.

Air Greenland naliliivoq, siunissami nunami namminermi angallaviit timmisartut DHC-8-t arfinillit atorlugit sulinneqarsinnaalernissaat mittarfiit ilusiinut nutaanut atasutut isigineqassasoq. Tassani Nuup mittarfiata ammarnerata kingunerisaanik nunami namminermi angallannerup annikillinera malugineqareersoq, aammalu Ilulissat Mittarfiat nunani tamalaani toqqaannartumik timmisartuussinernut ammaassippat angallannerit ikileriaqqinnissaannik naatsorsuutigisaqarneq eqqarsaatigineqarput.

Naalakkersuisut angallannermi sullissinerit pisinnaasallu ineriartornerinut, tassungalu ilanngullugu mittarfiit ilusiisa allanngornerini ineriartornermut malinnaassapput.

Apeqquut 2. Naalakkersuisut saqqummiussinnaavaat misissueqqissaarnerit, piginnaasatigut naatsorsuutit, allatigulluunniit nalilersuinerit kiisalu aalajangiinermut tunngaviusut allat, uppersarsaasut DHC-8 timmisartut marluk MDA-mut atorneqalernerisa nunap iluani timmisartuussinermut, timmisartukkut nassiussanik assartuussinermut aammalu pilersuinerimik isumannaatsuunermut ajorseriaateqassannginnerannik?

Akissut: Naalakkersuisut immikkut ittumik misissueqqissaarnernik, pisinnaasanik naatsorsuinernik imaluunniit timmisartut DHC-8-t marluk Maritime Domain Awareness-programmimut atorneqalernerisa ilaasunik angallassinermut, timmisartukkut nassiussanut pilersuinerulluunniit isumannaassusianut kingunerisassaanik suliaqarsimanngillat.

Kiisalu apeqquut 1-imut akissut innersuussutigineqarpoq, tassanilu Air Greenland ilisimatitsivoq, Ilulissat Mittarfiata ammarnerata kingorna, aammalu Ilulissat Københavnillu akornanni toqqaannartumik timmisartuussisalernissaq naatsorsuutigineqartoq aallartippat, siunissami nunami namminermi angallavinnik atuerusuttut timmisartut DHC-8-t arfinillit atorlugit angallanneqarsinnaalissasut ingerlatseqatigiiffimmiit naliliiffigineqartoq.

Naalakkersuisut angallannermi sullissinerit pisinnaasallu ineriartornerinut malinnaassapput.

Apeqquut 3. Isorliunerusunut nioqqutissanik nillartaartunik naatitanik poortukkanillu nassiussuinissamut DHC-8 naleqqutuunngineri peqqutigalugit sineriammut silaannakkut assartuinerup ilungersunartuunera Naalakkersuisut qanoq isumaqarfigaat? Tamatuma ilungersunartuunera pillugu aaqqiiffiginiarlugu Naalakkersuisut iliuuseqalersaarpas?

Akissut: Timmisartut DHC-8-t marluk Maritime Domain Awareness-programmimut atorneqalernerini imminermi silaannakkut angallassinermut ajorseriartitsissasoq Naalakkersuisut naatsorsuutiginnigilaat. Tamatumunnga atatillugu apeqquut 1-imut akissut innersuussutigineqarpoq, tassanilu Air Greenland ilisimatitsivoq, siunissami nunami namminermi angallavinnik atuerusuttut timmisartut DHC-8-t arfinillit atorlugit angallanneqarsinnaalissasut ingerlatseqatigiiffimmiit naliliiffigineqartoq.

Naalakkersuisut angallannermi sullissinerit silaannakkullu angallassinermi pisinnaasat ineriartornerinut malinnaassapput.

Apeqquut 4. DHC-8 timmisartut marluk MDA-mut atorneqartillugit, teknikkikkut ajoquteqartoqartillugu, pilersaarutaasumik aserfallatsaaliinermut atatillugu, sila pissutigalugu imaluunniit ingerlatsinermi akornuteqartoqartillugu, Naalakkersuisut qanoq ilillutik sillimmatitut timmisartuussisinnaanissaq qulakkeerniarlugu pilersaaruteqarpat?

Akissut: Naalakkersuisunit maluginiarneqarpoq, timmisartunik atuinerpiaat, tassungalu ilanngullugu teknikkikkut ajoquteqartoqarnerani, pilersaarutaasumik aserfallatsaaliuinerni, sila peqqutigalugu timmisartuussinngitsoornerni imaluunniit ingerlatsinermi unammilligassanik allanik pisoqarnerani sillimmatit pillugit pilersaarusiortarnerit tunngaviummik Air Greenlandip sullissisutut akisussaaffigimmagit.

Tassalu Naalakkersuisut Air Greenlandip timmisartuutaasa ulluinnarni atorneqarnerinut, imaluunniit ingerlatseqatigiiffiup ilumini upalungaarsimanermut ingerlatsinermullu pilersaarusiortarnerit aalajangersaaneq ajorput.

Kiffartuussinissamut isumaqatigiissut, Naalakkersuisut timmisartut suluusallit Qaanaamut timmisartuussisarnerninut atuuttoq eqqarsaatigalugu Air Greenland pisussaavoq, isumaqatigiissummi sinaakkusiussat iluanni kiffartuussinissamut isumaqatigiissut naammassissallugu.

Kiisalu apeqquut 1-imut akissut innersuussutigineqarpoq, tassanilu Air Greenland ilisimatitsivoq, Ilulissat Mittarfiata ammarnerata kingorna, aammalu Ilulissat Københavnillu akornanni toqqaannartumik timmisartuussisalernissaq naatsorsuutigineqartoq aallartippat, siunissami nunami namminermi angallavinnik atuerusuttut timmisartut DHC-8-t arfinillit atorlugit angallanneqarsinnaalissasut ingerlatseqatigiiffimmiit naliliiffigineqartoq.

Apeqquut 5. Naalakkersuisut nalilerpaat MDA-programmi saniatigut Qaanaamut, Upernavimmut, Qaarsunut, Sisimiunut, Maniitsumut, Paamiunut, Qaqortumut, Tasiilamut kiisalu illoqarfinnut allanut DHC-8-mik kiffartuunneqartunut ilaasunik angallassinermut, timmisartukkut nassiussanut aammalu nassiussat apuuttarnerannut qanoq sunniteqassanersoq Naalakkersuisut qanoq piareerimaffigaat qanorlu piareersaateqartoqarpa?

Akissut: Apeqquut 1-imut akissut innersuussutigineqarpoq, tassanilu Air Greenland ilisimatitsivoq, timmisartut DHC-8-t marluk Maritime Domain Awareness-programminut atugassatut allannngortinneqassappata atorneqalissappatalu, siunissami nunami namminermi angallavinnik atuerusuttut timmisartut DHC-8-t arfinillit atorlugit angallanneqarsinnaalissasut.

Tamanna tunngavigalugu Timmisartut DHC-8-t marluk MDA-programmimut atorneqalerni imminermi ornigassamut taaneqartunut ilaasunik angallassinermut, silaannakkut angallassinermut piffissanullu tunniussiffiusunut ajorseriartitsissasq Naalakkersuisut naatsorsuutiginnilaat.

Naalakkersuisut angallannermi sullissinerit silaannakkullu angallassinermi pisinnaasat ineriartornerinut malinnaassapput.

Apeqquut 6. Timmisartukkut nassiussat uninngasuutilinnginnissaat, kiisalu allakkat, nakorsaatit, inuussutissat, atortut kinguaartissat pisariaqartinneqarut pisariaqartinneqartullu allat piffissaq eqqorlugu apuuttarnissaat qulakkeerniarlugu Naalakkersuisut suut aalajangersimasumik iliuuseqarniarpat?

Akissut: Naalakkersuisut Air Greenland A/S aamma Tusass A/S silaannakkut nassiussat pillugit ingerlaavartumik attaveqarfigaat. Tassalu Naalakkersuisut pineqartut assartuunneqarnissaannik pilersaarusiornermut toqqaannartumik akuutinneqanngillat, ingerlatsinermut tunngasut suliffeqarfiit taaneqartut susassaqafigimmassuk.

Apeqquut 7. Naalakkersuisut pilersaaruteqarpat timmisartunik amerlanerusunik pissarsinissamut imaluunniit allatigut timmisartuussinermut piginnaasanik annertusaanissamut, taamaalilluni nunap iluani ilaasunik angallassineq aammalu timmisartukkut nassiussanik assartuussineq pitsanngorsarneqarsinnaaqqullugu iliuuseqartorniarpap?

Akissut: Naalakkersuisut timmisartunik amerlanerusunik pisinissamik, imaluunniit Air Greenlandip timmisartuisa arlaatigut ilanissaannik pilersaaruteqanngillat. Erseqqissaatigineqassaaq, Air Greenland A/S aktianik piginneqatigiiffiummat Namminersorlutik Oqartussanit pigineqartoq, aammalu niuernermik sullissinermillu tunngaveqarneq eqqarsaatigalugu ingerlatseqatigiiffiup timmisartuutaanik atuinissaq, tassungalu ilanngullugu timmisartunik pisariaqartitsinermik, atortunik pisinermik, angallavinnut pilersaarusiornermik ingerlatsinermilu aningaasaqarnermik naliliinissaq tunngaviummik ingerlatseqatigiiffiup susassaqafigimmagu.

Taamaattumik Air Greenland A/S pisariaqartillugu nammineerluni suliassat ingerlatseqatigiiffiup isumagisassai eqqarsaatigalugit ingerlatseqatigiiffiup timmisartuutai naammannersut ingerlatsinerlu isumannaannersoq naliliisussaavoq.

Kisiannili Naalakkersuisut angallannermit sullissinerit tamarmiusut, taakkunungalu pingaartumik mittarfiit ilusaasa allanngornerinut atatillugu ilaasunik nassiussanillu angallassinert ineriartornerinut malinnaassapput.

Apeqquut 8. Naalakkersuisut nunap iluani timmisartuussinermut tunngatillugu sullissinermut anguniagaat suut aalajangersimavaat, matumani ilanngullugit piffissamik eqqortumik timmisartuussisarneq, timmisartukkut nassiussat apuuttarnerat kiisalu pilersuinermit isumannaassuseq?

Akissut: Naalakkersuisut nunami namminermi silaannakkut angallassinernut aalajangersimasunut, kiffartuussinissamut isumaqatigiissutinut ilaasunut akuutinneqartarput. Kiffartuussinissamut isumaqatigiissutit kanat.gl aqqutigalugu takuneqarsinnaapput. Timmisartukkut nassiussat kiffartuussinissamut isumaqatigiissutinut sinaakkutissanut ilaatinneqarput.

Apeqquut 9. Naalakkersuisut siunissaq ungasinnerusoq isigalugu nunap iluani timmisartuussinermut ataatsimut periusissiamik suliaqarpat? Taamaappallu killiffik saqqummiussinnaavaat?, tassanilu ilanngullugit timmisartunik pisariaqartitsineq, sillimmatitut atorneqarsinnaasut, timmisartukkut nassiussanik/usinik assartuussinermut piginnaasat kiisalu illoqarfiit nunaqarfiillu siunissami qanoq kiffartuunneqarnissaat pitsanngorsarniarpaat?

Akissut: Niuernermik tunngaveqarluni nunami namminermit silaannakkut angallassineq, tassungalu ilanngullugu timmisartut pisinnaasaannut tunngasut Air Greenland A/S-ip susassa qarfigai.

Naalakkersuisut ilaasunik angallassinermut kiffartuussinissamut isumaqatigiissutinik, aammalu nunat immikkoortuini mittarfinnik sanaartornissamut sulianik suliaasaalersinnaasunillu suliaqarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Iddimangjuu Jensen Bianco